

هُنَّا إِنَّمَا يُحِبُّ الْأَنْفُسُ أَمْرٌ لِّلَّهِ أَكْبَرُ فَإِنَّمَا يَنْهَا عَنِ الْفَحْشَاءِ
وَلَكُمْ أَكْثَرُ النَّاسِ لَا يَعْلَمُونَ ﴿١٢﴾

"Muriin Rabbif malee cenyufillee hin ta'u. Isa malee homaa akka hin gabbarre ajaaere. Kuni amanti sirriidha. Garuu irra heedduun namootaa hin beekan."

«Legislation is not but for Allah. He has commanded that you worship not except Him. That is the correct religion, but most of the people do not know»

Al-Qur'aan 12:40

www.sammubani.com

Islaamni Jirenyaa Guutuun Wal-Qabata-Kutaa 1

Description

Kutaa darbe keessatti Islaamni karaa tokkicha qajeelaa gammachuu fi milkaaâ€™innaatti nama geessu jennee jirra. Karaan qajeelaan kuni dhimma dhuunfaa irraa kaasee hanga mootummaa gahutti seeraa fi qajeelcha of dandaâ€™e kan qabuudha. Karaan qajeelaan kuni nama tokko ykn saba tokkoof qofa osoo hin taâ€™in hawaasa addunyaa guutuuf kan taâ€™uudha. Garuu namoonni baayâ€™een waaâ€™ee Islaamaa ilaachise yaada dogongora sammuu keessatti waan biqilchaniif Islaamni karaa qajeelaa tokkicha gammachuutti isaan geessu taâ€™uu hin argine. Mee yaada dogongoraa kana haa ilaallu:

Hubannoo dogongoraa sekulaarizimiin Islaamaf qabu

Sekulaarizim jechuun amanti irraa adda bahuun addunyaa qofaan kan wal qabatuu fi amantin sirna mootummaa irraa adda bahu qaba jechuun amanuudha.

Mata duree kana jalatti balaa guddaa namoota baayâ€™ee Muslima ofiin jedhanii fi kanneen biroo dhugaa amanti Islaamaa hubannoo badaa akka qabaatan isaan taasisuu irraa akeekachiisu barbaanna. Balaan guddaan kunis: hubanno sekulaarizimiin amantiif qabuudha. Warri sekulaarizimi amanti hariiroo gabrichaa fi Gooftaa isaa jidduu jiruutti qofa daangeessu. Hojiwwan ibaadaa akka salaataa, soomaa, zakaa, hajji fi kan biroo qofa irratti gabaabsu. Amanti sirna mootumma fi dhugaa jirenyaa irraa adda baasu. Islaamni sirna ibaadaa fi amala gaarii qofa akka taâ€™e, haala namootaa sirreessu fi jirenya isaanii laaffisu walii hariiroo homaatu akka hin qabne godhanii namoota amansiisuuf garmalee carraaqu. Sababa kanaan shariâ€™aa Rahmaan irraa wanta daangaa darbitoonni bakka buusanii fi seera Islaaman wal hin qabanne baasaniif namoonni akka hin dammaqne isaan laamshessu barbaadu. Laamshessuu fi haqa dhoksuun gubbaan soba mulâ€™isuu kanaan addunyaa namootaa keessatti wanta fedhan murteessu, gara fedhan isaan oofuu fi Rabbiin walii gaproota ofii gochuu dandaâ€™anii jiru. Gubbaadhaa Qurâ€™aanni seeraa fi heera ummataati jedhu. Garuu isaan seera namtolcheetin ummata bulchu.[\[1\]](#)

Seeraa fi heerri ajaju, dhoowwu, murtii fi danbii ittiin bulmaataa of keessaa qaba. Seeraa fi heera namoonni ittiin bulan tumuu fi baasun harka namaa osoo hin taâ€™in harka Rabbii oltaâ€™aa jira. Sababni isaas, Mootiin waa hundaa uume, haala uumamtootaa, wanta isaan fayyaduu fi miidhu sirritti

beeku Rabbii Tokkicha. Akkuma ibsa maqaa â€œAl-Malik (Mootii)â€ jedhu jalatti ilaalle, Mootiin kan ajaju, dhoowwu, seera baasu fi murtii dabarsu, mindaa kennuu fi adabuudha. Rabbiin Mootii haqaa waan taâ€™eef namoota uumee seeraa fi heera ittiin bulan osoo isaaniif hin baasin hin dhiisne. Ni jedha:

﴿أَلَا لِهِ الْخُلُقُ وَالْأَمْرُ تَبَارَكَ اللَّهُ رَبُّ الْعَالَمِينَ﴾

â€œDhagayaa! Uumuu fi ajajuun kan Isaati. Rabbiin Gooftaa aalamaa taâ€™ee tolti Isaa baayâ€™ate.â€ Suuratu Al-Aâ€™araaf 7:54

Islaamni salaata, zakaa, sooma, hajjii fi ibaadaa biroo irratti kan daangeefamee miti. Namni Islaamni gosa ibaadaa kanniin qofa irratti daangefame jedhee yoo yaade dogongora guddaa raawwate jira. Garuu maaltu kana akka yaadan nama taasisaa? Sababoota baayâ€™etu jira. Isaan keessaa:

1-Islaamaa fi amantii biroo wal bira qabuâ€“ Islaamni amanti guutuu taâ€™e nama dhuunfaa irraa jalqabee hanga mootummaa gahuutti seeraa fi heera ittiin bulmaataa kan qabuudha. Amantiwwan biroo immoo akkanaa miti. Seerri amantiwwan biroo keessa jiru harka namaatin kan baafame waan taâ€™eef gosoota ibaadaa irratti kan daangefameedha. Awrooppaa keessatti yeroo Dark Age (Bara Dukkanaa) jedhamu keessatti abbootin amantaa kiristaana seera fedhii ofii ittiin guuttatan baasun uummata cunqursaa turan. Akkuma yeroon darbuun namoonni cunqursaa kanatti finciuin abbooti amanti kiristaanaa jibbuu jalqaban. Ergasii, amantii fi mootummaa addaan baasun amanti beetakiristaana qofarratti akka daangeefamu godhan. Urga sanii kaasee yaada motummaa fi amantiin walitti hin seenu jedhu addunyaa irra babalâ€™isan. Addunyaa Muslimootaa keessattis gowwoonni Awrooppaa akkeessan mootummaa fi amantiin wal keessa hin seenu jechuun Islaamaa fi mootumma adda baasu jalqaban.

Islaamni amanti guutuu mootummaa fi hawaasni ittiin buluu dandaâ€™uudha. Sababni isaas, seerri fi heerri isaa Rabbii oltaâ€™aa irraa kan buâ€™eedha. Amantiwwan biroo kan akka kiristaanaa immoo seerri isaa kan jallatee fi qeeyotaan kan baafameedha. Kanaafu, akkamitti amantiin haqaa fi qajeelaa seerri isaa guutuu amanti baaxilaa seerri isaa hanquu fi jallataa taâ€™een wal bira qabamuun Islaama fi mootummaan walitti hin seenan jechuun dandaâ€™amaa?

Islaamni seerri fi heerri isaa Rabbii waa hunda uumee fi beekun kan baheedha. Heerri mootummaa warri seekulaarizimi odeessan immoo nama dadhabaa fi beekumsi isaa hanqu taâ€™een kan baheedha. Akkasumas, seerri fi heerri mootummaan kuni baasu fedhii namoota muraasaa ykn saba tokkoo guutuuf kan bahuudha. Addunyaa guutuu fi yeroo kam keessatti hin hojjatu. Kanaafu, seera fi heera guutuu taâ€™een buluu wayya moo seera fi heera hanquu fi jallataa taâ€™een buluu wayyaa?

Rabbitin guddaan oltaâ€™e ni jedha:

٥٠
﴿أَفَحُكْمُ الْجَنَاحِيلَةِ يَبْغُونَ وَمَنْ أَحْسَنَ مِنَ اللَّهِ حُكْمًا لِّقَوْمٍ يُوْقَنُونَ﴾

â€œ**Sila murtii Jaahiliyyah barbaadu? Namoota yaqiina qabaniif Rabbiin caalaa eenyutu murtiin irra gaariidhaa?**â€ Suuratu Al-Maaâ€™ida 5:50

Murtiin jaahiliyyah murtii Rabbiin buuse faallessudha. Murtiin jaahiliyyah murtii wallaalummaa fi fedhii lubbuu hordofuu irratti hundaaâ€™edha. Namoota yaqiina qabaniif murtii Rabbii caalaa murtii kamtu isaaniif irra gaariidhaa? Yaqiina jechuun beekumsa guutuu shakkii hin qabneedha. Kanaafu, namoota yaqiina qaban jechuun namoota beekumsa guutuu qabanii fi dhugaan amananiidha. Namoonni yaqiina qaban murtii fi seerri Rabbii murtii fi seera kamiyyuu akka caalu ni beeku. Kanaafu, itti amananii hordofu.

Kanaafu, namni amanti haqaa fi amantii baaxilaa wal bira qabuun dogongoruu hin qabu. Amantiin haqaa amanti seeraa fi heera guutuu addunyaan guutuu ittiin bulu dandeessu qabuudha. Amantiin baaxilaa immoo seera hanquu fi jallataa addunyaaa dhiisi maatiinu ittiin buluu hin dandeenye qaba.

2-Wanta wallaalconni fi diinonni maqaa Islaamatin hojjatan ilaalu-keessumaayyu yeroo amma kana keessa maqaa Islaamatin namoonni seera Islaamaa hin beekne gochoota sukaneessaa Islaama faallessu baayâ€™ee hojjatu. Ergasii, namoonni kana ilaalan â€œIslaamni amanti shororkeessaatiâ€ Jechuun sammuu keessatti dogongora gurraacha maxxansu. Kuni dogongora guddaadha. Mee of haa gaafannu, namni tokko konkolaataa haala bareedan hojjatame hirâ€™inna wayiit u hin qabne ni bita haa jennu. Garuu namni kuni siritti konkolaataa oofu hin dandaâ€™u. Konkolaataa kana oofu waan hin dandeenyeef namootatti yoo buuse, eenyutu waqqafamaa? Nama moo konkolaataadhaha? Dhugumatti nama kana. Seerri Islaamaa seera guutu taâ€™eedha. Kanaafu, namoonni maqaa Islaamatin waan badaa yommuu hojjatan, maaliif Islaamatti quba akeeku? Namoota waqqasuu dhiisanii maaliif Islaama waqqasuu? Gabaabumatti, namni Islaama beeku barbaadu namoota osoo hin taâ€™in Qurâ€™aanaa fi hadiisa banatee ilaalu qaba. Kanaafi, Qurâ€™aanaa keessatti ni jedha:

وَإِنْ تُطِعْ أَكْثَرَ مَنْ فِي الْأَرْضِ يُضْلُوكَ عَنْ سَبِيلِ اللَّهِ إِنْ
يَتَبَعُونَ إِلَّا لِلَّظَّنِ وَإِنْ هُمْ إِلَّا يَخْرُصُونَ

116

â€œYoo irra hedduu namoota dachii keessa jiraniif ajajamte, karaa Rabbii irraa si jallis. Kan issaan hordofan shakkii qofa. Isaan kan kijiban malee homaayyu miti.â€ Suuraa Al-Anâ€™aam 6:116

Islaamni Jireenya Guutuun Wal-qabata

Akkuma irranatti kaasuuf yaalle Islaamni nama dhuunfaa irra darbe seeraa fi heera addunya guutuu ittiin bulchu qaba. Sababni isaas, seeraa fi heera isaa namni kan baase osoo hin taâ€™in Mootii addunya guutuu umee fi bulchu irraa kan buâ€™eedha. Islaamni jireenya ruuhi irraa kaasee jireenya ilma namaa guutuun kan wal qabatuudha. Seerri Islaamaa fooyyaâ€™insa ilma namaa sadii bakkaan gahuuf kan kaayyefateedha.

1ffaa- Badii ittisuuf-wantoota shan irraa Islaamni badii ittisa. Isaanis: amantii, lubbuu, qabeenya, kabajaa fi aqlii (sammuu)dha. Fakkeenyaf, amantii ofii akka hin gaggeessine nama namatti duule itti duulan. Lubbuu eeguf jecha nama osoo beeku nama ajjeesse, ni aijeessan yoo warri namni jalaa aijeefame dhiifama godheef malee. Zinaan kan dhoowwameef kabajaa fi sanyii namaa waan balleessufi. Alkooli (kamrii) dhuguun kan dhoowwameef aqlii (sammuu) irratti miidhaa waan fiduufi. Kanaafu, Islaamni ilma namaa badii irraa eeguf kan kaayyefatedha.

2ffaa- Wanta gaarii fiduu- wanta ilmi namaa itti haajamu akkaata itti argatan Islaamni seera lafa kaaâ€™e jira.

3ffaa- Aklaaqa (amala gaarii) fi aadaa bareeda keessa namoota oofuâ€™“ amalli gaariin Islaamni itti nama ajju amala bareedaa sadarkaa namaa olkaasu fi gammachuu namaa guutudha.

Dhimmoonni sadan kanniin mootummaas taâ€™i, maatis taâ€™i, nama dhuunfaas taâ€™i namootaa hundaan kan wal qabatuudha. Dhimmoota sadan kanniin mee itti xinxalli, mootummaan Islaama irraa fotoqe (adda bahee) wantoota kanniin galmaan gahuu dandaâ€™aa? Akkuma arginu galmaan hin gahu. Cunqursaa amanti, lubbuu, qabeenya, kabajaa fi sammuu irratti raawwatamu wanta guyyaa guyyaan argaa jirruudha. Warri dimookraasi jedhanii lallabaniyyuu qabeenya biyya tokkoo saamuuf lubbuu namoota meeqaa ajjeesu? Kanaafu, seera dimookraasi odeessan keessatti lubbuu fi qabeenyi eeggamee jiraa?

Ammas mootummaa Islaama irraa adda bahe mee ilaali. Amalli gaariin namootaa sadarkaa gadi aanaa irra kan gaheedha. Wantoonni fokkuun akka zinaa, alkooli, hanna fi kkf hawaasa keessa kan babalâ€™ataniidha. Wantoonni kanniin yoo babalâ€™atan lubbuun namootaa ni baddi, dhiveen adda addaa ni babalâ€™ata, qabeenyi ni saamama, aqliin (sammuun) ni jeeqama. Islaamni kana hunda hanbisuuf seeraa fi heera lafa kaaâ€™e. Kanaafu, seera fi heera namtolcheetin buluu wayya moo seeraa fi heeraa Gooftaa addunyaa guutuu irraa buâ€™een buluu wayyaa?

[1] [al-Jaamiâ€™ul Mufiid liduruusi taâ€™allumi tawhiidi](#) fuula 48-49

Date Created

January 28, 2020

Author

admin